

Na osnovu člana 13. Statuta Fonda za zaštitu okoliša Hercegovačko - neretvanskog kantona („Službene novine HNK“, broj: 9/12), člana 5. Uredbe o načinu raspodjele i ulaganja prikupljenih naknada za posebne kategorije otpada i uvjetima za dodjelu poticajnih sredstava („Službene novine Federacije BiH“, broj: 59/21), člana 3. i člana 4. Pravilnika o postupku provođenja programa poticaja za aktivnosti sakupljanja i reciklaže posebnih kategorija otpada broj: 03-0208-116-01/24 od 21.10.2024. godine, Programa rada Fonda za zaštitu okoliša HNK za 2024. godinu broj: 03-0208-32-7/24 od 22.5.2024. godine, Programa utroška potrošačka jedinica 1, analitički kod 614 000 Finansijskog plana Fonda za zaštitu okoliša HNK za 2024. godinu, pozicija (naziv) „Tekući transferi i drugi tekući rashodi“, broj: 03-0208-32-7/24 od 26.3.2024. godine, te na osnovu Odluke Upravnog odbora Fonda broj: UO-03-0208-116-03/24 od 21.10.2024. godine, Fond za zaštitu okoliša Hercegovačko – neretvanskog kantona raspisuje

JAVNI KONKURS

za dodjelu poticaja u vidu finansijske pomoći za aktivnosti sakupljanja i reciklaže posebnih kategorija otpada i to otpadnih guma, akumulatora i baterija, otpadnih ulja i otpadnih vozila za 2024. godinu

Ukupni iznos sredstava koje Fond dodjeljuje po ovom konkursu je 724.500,00 KM.

I. PREDMET JAVNOG KONKURSA

Predmet Javnog konkursa je prikupljanje prijava za dodjelu poticaja, a koji će se odnositi na sljedeće programske aktivnosti:

LOT 1 - Poticaji za sakupljanje i reciklažu otpadnih guma, raspoloživi budžet 403.000,00 KM

LOT 2 - Poticaji za sakupljanje i reciklažu otpadnih akumulatora i baterija, raspoloživi budžet 6.500,00 KM

LOT 3 - Poticaji za sakupljanje i reciklažu otpadnih ulja, raspoloživi budžet 75.000,00 KM

LOT 4 - Poticaji za sakupljanje i reciklažu otpadnih vozila, raspoloživi budžet 240.000,00 KM

II. SUBJEKTI KOJI IMAJU PRAVO NA PODNOŠENJE PRIJAVE

Pravo učešća na Javnom konkursu imaju pravna lica registrovana kod suda ili organa uprave i to:

- LOT 1:** privredna društva uključujući javna komunalna preduzeća (za aktivnosti sakupljanja i obrade/reciklaže otpadnih guma);
- LOT 2:** privredna društva uključujući javna komunalna preduzeća (za aktivnosti sakupljanja i obrade/reciklaže otpadnih akumulatora i baterija);
- LOT 3:** privredna društva uključujući javna komunalna preduzeća (za aktivnosti sakupljanja i obrade/reciklaže otpadnih ulja);
- LOT 4:** privredna društva uključujući javna komunalna preduzeća (za aktivnosti sakupljanja i obrade/reciklaže otpadnih vozila).

III. USLOVI KOJE PODNOSITELJI PRIJAVE MORAJU ISPUNITI

Pravna lica koja se prijavljuju na Javni konkurs Fonda moraju ispunjavati sljedeće uslove:

- Da imaju sjedište na teritoriji Bosne i Hercegovine;
- Da podnesu kompletiranu prijavu za dodjelu poticaja Fondu za zaštitu okoliša HNK u skladu sa objavljenim konkursom;
- Da su upoznata i prihvataju da se poticaji Fonda dodjeljuju samo za dokazane i prihvatljive količine koje ne moraju nužno odgovarati prijavljenim;
- Ispunjavaju i druge uslove utvrđene konkursom.

Na javni konkurs mogu se prijaviti samo oni subjekti koji vrše aktivnosti sakupljanja predmetnih vrsta otpada/**sakupljači**, koji posjeduju dozvolu za upravljanje otpadom izdatu od strane nadležnog ministarstva, odnosno komunalna preduzeća koja posjeduju općinsku odluku/rješenje za poslove upravljanja otpadom, te koji su registrovani i redovno unose podatke u informacioni sistem upravljanja otpadom.

Na javni konkurs mogu se prijaviti samo oni **obrađivači/reciklери** koji se bave preradom i/ili povratom komponenti iz otpada (reciklažom), kao i pripremom goriva iz otpada za energetske korištenje, a koji imaju dozvolu za upravljanje otpadom i/ili okolinsku dozvolu u skladu sa Zakonom o upravljanju otpadom („Službene novine Federacije BiH“, broj: 33/03, 72/09 i 92/17), te koji su registrovani i redovno unose podatke u informacioni sistem upravljanja otpadom.

Aktivnost protektiranja guma se neće poticati ovim Javnim konkursom.

Neće se poticati obrada/reciklaža otpada iz uvoza, kao i otpada preuzetog iz drugog kantona, entiteta, ili Brčko distrikta, te će spomenute količine otpada, ukoliko komisija utvrdi da su prijavljene, biti oduzete od ukupne količine otpada na koji se odobrava poticaj.

Kompletiranom prijavom se smatra ona koja sadrži obaveznu dokumentaciju traženu Javnim konkursom.

Neblagovremene i nekompletne prijave će biti odbačene.

Prijave na različite LOT-ove se dostavljaju u zasebnim kovertama.

Ukoliko jedna koverta sadrži prijave za različite LOT-ove, aplikacija se odbacuje

IV. POPIS DOKUMENATA KOJE JE POTREBNO PRILOŽITI UZ PRIJAVU

Cjelokupna dokumentacija se dostavlja na jednom od službenih jezika u BiH.

Kompletirana prijava je uslov učešća.

Kompletirana prijava se dostavlja u štampanoj formi u dva primjerka, i to jedan originalni primjerak i jedna kopija. Original i kopija kompletirane prijave moraju biti jednaki i dostavljaju se u jednoj koverti i uslov su učešća.

Svaka stranica kompletirane prijave se numeriša, parafira i ovjerava.

Kompletirana prijava mora biti uvezana i to: tvrdim povezom (ukoričena dokumentacija), spiralnim uvezom sa jemstvenikom ili jemstvenikom.

Kompletirana prijava sadrži obaveznu dokumentaciju, složenu prema redoslijedu navednom u nastavku teksta Javnog konkursa.

Obavezna dokumentacija mora sadržavati:

1. Popunjen Obrazac za prijavu Javni konkurs za dodjelu poticaja, ovjeren i potpisan (dostupan na službenoj web stranici Fonda za zaštitu okoliša HNK: www.fzohnz-k.ba.) - original;
2. Dokaz o registraciji aplikanta kod nadležnog suda (aktuelni izvod iz sudskog registra ili sudsko rješenje o izmjenama podataka);
3. Datum izdavanja dokaza o registraciji ne smije biti stariji od dana objave ovog konkursa – dostavlja se original ili kopija originala ovjerena u organu uprave ili kod notara.
4. Uvjerjenja o poreskoj registraciji, i to:
 - a) ID broj - odnosi se na sve aplikante;
 - b) PDV - odnosi se na aplikante koji su PDV obveznici;
 - c) Uvjerjenje Uprave za indirektno oporezivanje – odnosi se na aplikante koji nisu PDV obveznici.

Obrasci pod a) i b) se dostavljaju kao ovjerene kopije.

Datum izdavanja uvjerenja (pod c) ne smije biti stariji od dana objave ovog konkursa – dostavlja se original ili kopija originala ovjerena u organu uprave ili kod notara.

5. Uvjerjenje nadležnog suda da aplikant nije pod stečajem ili pred likvidacijom, odnosno da nije u postupku stečaja i likvidacije.

Datum izdavanja uvjerenja ne smije biti stariji od dana objave ovog konkursa – dostavlja se original ili kopija originala ovjerena u organu uprave ili kod notara.

6. Uvjerjenje o izmirenim poreskim obavezama nadležnih organa i to:

- Uvjerjenje poreske uprave – odnosi se na sve aplikante;
- Uvjerjenje uprave za indirektno oporezivanje – odnosi se na aplikante koji su PDV obveznici.

Napomena: Uvjerjenja iz kojih je vidljivo da obveznik ima neizmirenih dugovanja, a pri čemu u uvjerenju nije navedeno da je potpisan sporazum o izmirenju istih, neće biti prihvaćena.

Datum izdavanja uvjerenja ne smije biti stariji od dana objave ovog konkursa – dostavljaju se originali ili kopije originala ovjerene u organu uprave ili kod notara.

7. Dozvolu za upravljanje otpadom izdatu od strane nadležnog ministarstva ili okolinsku dozvolu u skladu sa Zakonom o upravljanju otpadom („Službene novine Federacije BiH“, br. 33/03, 72/09 i 92/17), odnosno za komunalna preduzeća općinsku odluku ili rješenje za poslove upravljanja otpadom, za sve važeći dokument za period za koji se podnosi zahtjev.

8. Za aktivnosti sakupljanja otpada godišnji izvještaj o upravljanju otpadom za prethodnu godinu i to:

- Analitički izvještaj – “Izvršajni obrazac za pravna lica koja proizvode otpad i koja upravljaju otpadom” i
- Analitički izvještaj – “Tokovi otpada po dokumentima”,

sa iskazanim količinama otpadnih guma (za LOT 1), akumulatora i baterija (za LOT 2), ulja (za LOT 3) i vozila (za LOT 4) sakupljenih u Hercegovačko-neretvanskom kantonu i predatih obrađivaču, recikleru ili prerađivaču otpada za energetske korištenje na teritoriji BiH ili izvezenih i to kao izvod iz Informacionog sistema upravljanja otpadom za aktivnosti sakupljanja.

9. Za aktivnosti obrade i reciklaže otpada godišnji izvještaj o upravljanju otpadom za prethodnu godinu i to:
 - Analitički izvještaj – “Izvršajni obrazac za pravna lica koja proizvode otpad i koja upravljaju otpadom”,
 - Analitički izvještaj – “Tokovi otpada po dokumentima” i
 - Analitički izvještaj – “Količine obrađenog otpada po tipu tretmana”,

sa iskazanim količinama otpadnih guma (za LOT 1), akumulatora i baterija (za LOT 2), ulja (za LOT 3) i vozila (za LOT 4) recikliranih ili prerađenih za energetske korištenje u Federaciji BiH, a koji su sakupljeni ili preuzeti sa teritorije Hercegovačko-neretvanskog kantona i to kao izvod iz Informacionog sistema upravljanja otpadom za aktivnosti obrade i reciklaže.

10. Dokazi o provedenim aktivnostima i količinama:

- d) dokaznice sakupljača - prateći i vagarski list sa pripadajućim računom o predaji sakupljenog otpada kao sirovine obrađivaču/recikleru,
- e) CMR list - u slučaju dokazivanja izvoza otpada na obradu,
- f) prateći listovi, vagarski listovi sa pripadajućim računom obrađivača/reciklera o preuzimanju otpada,
- g) ovjerena skladišna lista za aplikante koji su i sakupljači i obrađivači/reciklери za količine sakupljenog i skladištenog još neobrađenog otpada,
- h) ovjereni izvod iz materijalne evidencije proizvoda i otpada nastalog procesom obrade/reciklaže – za aplikante koji dokazuju obradu i reciklažu,

Napomena! Ukoliko aplikant, ovlašten za sakupljanje predmetnih vrsta otpada, ujedno posjeduje i ovlaštenje za obradu/reciklažu otpada, tada će mu se sakupljene količine otpada priznati kao predate obrađivaču, recikleru ili prerađivaču otpada za energetske korištenje.

Aplikanti mogu dostaviti i ostale dodatne dokumente koji mogu poslužiti za dokazivanje sakupljenih i/ili obrađenih/recikliranih količina otpada od guma, akumulatora i baterija, ulja i vozila.

V. KRITERIJI ODABIRA

Poticajna sredstva dodjeljuju se sakupljaču za količine otpadnih guma, akumulatora i baterija, ulja i vozila koje su predate obrađivaču, a koje su dokazane i dokumentovane kao sakupljene i predate za prethodnu (2023) godinu.

Poticajna sredstva dodjeljuju se operatoru-obrađivaču/recikleru otpada, za količine, prerađenog, recikliranog ili pripremljenog za energetske korištenje, otpada od guma, akumulatora i baterija, ulja i vozila, za prethodnu (2023) godinu.

Analizu pristiglih prijava na Javni konkurs, vršiće Komisija koju imenuje Upravni odbor Fonda za zaštitu okoliša HNK.

Komisija je dužna izvršiti uvid u sve pristigle prijave, utvrditi da li su podnesene blagovremeno, da li se odnose na predmet javnog konkursa, da li su podnesene od strane subjekta na kojeg se javni konkurs odnosi, te da li je uz prijavu dostavljena dokumentacija tražena javnim konkursom.

Komisija će izvršiti provjeru ispunjenosti uvjeta za dodjelu poticaja i to prvenstveno:

1. registraciju u informacionom sistemu kod Fonda za zaštitu okoliša Federacije BiH,
2. unos podataka u informacioni sistem,
3. tačnost priloženih podataka o količinama,
4. dokumentaciju kojom se dokazuju količine za koje se traži poticaj – dokazi navedeni pod rednim brojem 9. obavezne dokumentacije.

Po utvrđivanju validnosti prijave i provjere podataka u informacionom sistemu upravljanja otpadom, provjere prateće dokumentacije, Komisija sačinjava listu prijava koje zadovoljavaju uslove konkursa, sa navedenim količinama sakupljenog i obrađenog/recikliranog otpada i navedenom vrstom postupka (sakupljanje ili obrada/reciklaža), te navedenim procentualnim učešćem pojedinih količina u ukupno sakupljenim ili ukupno obrađenim/recikliranim. Komisija će uz listu onih koji zadovoljavaju uslove konkursa, sačiniti i listu onih koji ne zadovoljavaju uslove, i to posebno za svaki LOT.

Ukoliko se ustanovi da je aplikant prijavio otpad iz uvoza ili drugog kantona, entiteta Republika Srpska ili Brčko distrikta, te količine će biti oduzete od ukupno prijavljenih (sakupljenih i/ili obrađenih), odnosno za iste se neće moći ostvariti poticaj.

Pronačun pripadajućih poticaja iz raspoloživog budžeta vrši se za svaki LOT i to srazmjerno količinama koje je svaki prihvatljiv podnosilac prijave dokazao kao sakupljene i predate obrađivaču ili kao obrađene, reciklirane ili prerađene za energetske korištenje.

Maksimalni iznos poticaja po kg definiran javnim konkursom ne smije biti prekoračen.

Ukoliko je pronačunati iznos po kg veći od maksimalnog iznosa, kandidatu se dodjeljuje maksimalni iznos po kg.

Izvještaj sa pratećim rang listama po lotovima Komisija dostavlja Upravnom odboru Fonda za zaštitu okoliša HNK.

Odluka se objavljuje na web stranici Fonda www.fzohnz-k.ba.

Fond će sve sudionike javnog konkursa obavjestiti o donošenju odluke Upravnog odbora o dodjeli poticaja nakasnije u roku od 15 dana od dana donošenja Odluke.

U obavještenju će se korisnicima poticaja naložiti dostava potrebne dokumentacije i informacija, u najdaljem roku od 30 dana od dana prijema pismene obavijesti.

Sa korisnicima poticaja koji u ostavljenom roku dostave traženu dokumentaciju Fond će potpisati ugovor, u kojim će se navesti iznos odobrenog poticaja, odredba da Fond u bilo kojem momentu može zatražiti kontrolu/verifikaciju podataka od nadležne inspekcije, obaveze korisnika da nastavi redovno izvještavati Fond o aktivnostima koje provodi u smislu sakupljanja, obrade i reciklaže otpada, kao i obaveza unosa podataka u Informacioni sistem upravljanja otpadom, te obaveza korisnika poticaja da izvrši povrat sredstava u slučaju naknadnog saznanja o dostavljanju krivih i netačnih podataka, rok važenja ugovora, te ostala međusobna prava i obaveze korisnika poticaja i Fonda.

Ukoliko korisnik poticaja ne dostavi traženu dokumentaciju sa istim se neće zaključiti ugovor, te će Upravni odbor, donijeti odluku o stavljanju van snage odluke o dodjeli poticaja u odnosu na navedenog korisnika, o čemu će isti biti pismeno obavješten u roku od 7 dana od donošenja ove odluke. Ukoliko je aplikant ujedno i obveznik plaćanja naknada po osnovu plasmata guma, akumulatora i baterija, ulja ili vozila, neće se pristupiti potpisu ugovora za dodjelu poticaja, ukoliko isti nije izmirio obaveze plaćanja naknade prema Fondu.

- a) Maksimalni iznos poticaja za aktivnost sakupljanja i aktivnost reciklaže za 2023. godinu za otpadne gume je $K_{max} = 0,3 \text{ KM/kg}$
- b) Maksimalni iznos poticaja za 2023. godinu za otpadne akumulatore i baterije je $K_{max} = 0,3 \text{ KM/kg}$
- c) Maksimalni iznos poticaja za 2023. godinu za otpadna ulja je $K_{max} = 0,5 \text{ KM/kg}$
- d) Maksimalni iznos poticaja za 2023. godinu za otpadna vozila je $K_{max} = 0,5 \text{ KM/kg}$

VI. MJESTO I ROK ZA DOSTAVLJANJE PRIJAVA

Umjesto adrese, na kovertu zaljepiti popunjenu naljepnicu koja se nalazi na web stranici Fonda za zaštitu okoliša HNK.

Obrasci, izjave i naljepnice za prijavu po ovom Javnom konkursu mogu se preuzeti na službenoj web stranici Fonda za zaštitu okoliša HNK: www.fzohnz-k.ba.

Aplikacija za učestvovanje dostavlja se lično ili putem pošte na adresu:

**Fond za zaštitu okoliša HNK
ul. Blajburških žrtava bb
88000 Mostar**

Prijava se dostavlja u zatvorenim neprovidnim kovertama sa naznakom:

„NE OTVARAJ – PRIJAVA NA JAVNI KONKURS“

Ovaj Javni konkurs objavljuje se u Službenim novinama HNK, dnevnim listovima „Oslobodenje“ i „Večernji list“ i na web stranici Fonda za zaštitu okoliša HNK www.fzohnz-k.ba.

Rok za podnošenje prijave je 45 dana od dana objave u Službenim novinama HNK.

Dokumenti koji se šalju na Javni konkurs, ne vraćaju se aplikantu.

VII. ROK ZA DONOŠENJE ODLUKE O ODABIRU

Rok za donošenje Odluke Upravnog odbora o odabiru korisnika je do 60 dana od dana zatvaranja Javnog konkursa. Rezultati Javnog konkursa o izboru korisnika poticaja, biti će objavljeni na službenoj web stranici Fonda www.fzohnz-k.ba, u roku od 7 dana od dana donošenja odluke.

VIII. ZAVRŠNE ODREDBE

Fond za zaštitu okoliša HNK ne snosi nikakve troškove nastale pripremom, sačinjavanjem i dostavljanjem aplikacije, te podnosioc aplikacije nema prava na naknadu bilo kakvih troškova po osnovu učešća na ovom Javnom konkursu. Za dodatne informacije može se obratiti do 5 dana prije zatvaranja konkursa, i to radnim danom od 10:00 – 14:00 h putem kontakt telefona: +387 (0)36 44 62 02.